

畿輔通志

22

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE

JUN 28 1932

3128/82

畿輔通志卷之五十六

土產

嘗考周官職方詳穀畜所宜而司徒土會之法并及于植物禹貢所紀惟良材珍異而管子地員之篇百穀草木果蔬之屬無微不至所以辨水土之性觀萬貨之原以爲斯民衣食之基本也稽之職方畿輔疆索跨延五州於穀或宜六種五種三種或宜黍稷或宜稻麥於畜或宜六擾五擾四擾或宜牛羊或宜雞狗各州所通利則魚鹽松柏布帛林漆絲枲蒲魚凡利用厚生之具咸備矣國策稱

哈佛大學
哈佛燕京
圖書館
珍藏印

棗栗之實可當田作是謂天府之國而其他物產
材貨見於古書者甚稀故自經傳史志以及山經
農書稗官雜記苟有及者并著於篇以附周官土
訓辨地物詔地求之義

穀屬

黍

周禮職方氏冀州其穀宜黍稷爾雅翼黍有赤
黍黑黍黏者別名秫北人謂黃米亦謂之黃糯

稷

廣羣芳譜冀北謂之緊俗呼爲糜本草黏者爲

黍不黏者爲稷北方地寒種之有補文安縣志
勝芳鎮最佳

稻

聖祖御製文集

豐澤園中有水田數區布玉田穀種六月

下旬穀穗方穎忽見一科高出衆稻實已堅好
因收藏其種待來年驗其成熟之早否明歲六
月果先熟米色微紅而粒長氣香而味腴以其
生自苑田故名御稻米一歲兩種亦能成兩熟
廣羣芳譜有秔有糯北方以爲佳品北方地平
惟澤土宜早稻種類甚多烏臺筆補范陽去都

百里而遙土風宜麥與稻督亢舊陂歲收稻數
十萬石燕山叢錄房山石窩稻色白味香美為
飯雖盛暑經數宿不餒遵化州志稻有東方稻
雙芒稻虎皮稻糯有旱糯白糯黃糯河間府志
隋時滄州魯城縣地生野稻水穀二千餘頃燕
魏民就食之邢臺志稻有紅口芒稻廣平府志
產府西引滏水灌田白粲不減江浙

梁

韻會小補梁粟類正字
通李時珍曰粟即梁也

周禮地官註北方水土深厚窖地而藏可數十
年不壞元和志澶州賦粟廣羣芳譜北方直名

之曰穀脫殼則謂之小米北人日用不可缺者
粟中之大穗長芒而有紅毛白毛黃毛之品者
即梁也河間府志穀有梁穀水穀金蠶金苗水
裏紅粳齒金羅裙帶柳根赤朱裏紗箭桿白龍
爪金竹根青大葉黃等名

麥

廣羣芳譜北地燥冬多雪春少雨麥晝花薄皮
多麵食之宜人陳者更良畿輔舊志小麥具四
時之氣春種者曰春麥大麥仁可作飯生芽可
作餈遵化州志小麥中有一種名小迎春又名

轉芒質類秋麥土人珍之邢臺縣志麥有黃皮
麥紅麥白麥光頭麥紫庭白籽等名

蜀秫

紅白二種俗呼高糧農政全書蜀秫在北方地
不宜麥禾者乃種此尤宜下地

玉蜀秫

農政全書作玉米

稗

爾雅翼稗有二種一黃白一紫黑紫黑者芑有
毛北人呼爲烏禾

糝子

廣羣芳譜北地荒陂處種之苗葉似穀穗如粟
穗而分數岐碾米煮粥蒸食皆宜

蕎麥

一作苽廣羣芳譜北人作餅餌日用以供常食
農人以爲禦冬之具

大豆

春秋莊公三十一年齊侯來獻戎捷穀梁傳軍
得曰捷戎菽也爾雅疏戎菽大豆也管子北伐
山戎出冬蔥及戎菽布之天下淮南天文訓北

方其地宜菽本草大豆有黑白黃褐青斑數色
農書黑豆中最細者曰櫓豆一曰料豆北人以
飼馬

小豆

有赤白二種

菜豆

豇豆

一名豨豆

豌豆

廣羣芳譜種出西戎北土尤多

刀豆

蠶豆

白菹豆

脂麻

俗作芝蔴

沙米

宣化縣志蓬蒿結實者沙灘所生

薏苡

俗名草珠圖經生正定平澤及田野永平府志
灤之下社頗多

蔬屬

芹

有園芹野芹水芹昌平山水記芹城在州東三十里有橋橋下有水出芹

白菜

一名菘廣羣芳譜北方多入窖內不見風日長出苗葉皆嫩黃色脆美無滓謂之黃芽乃白菜別種畿輔舊志出安肅者佳有箭幹白四時可用又太倉白出廣平府

菲

五雜俎京師有菲黃蓋地窖火坑中所成畿輔舊志正定出者尤肥美

芥

一名辣菜出保定者根肥壯可瀹食

春不老

味辛葉青而莖澤惟保定有之

同蒿

一名蓬蒿

菠菜

一名赤根蘇軾詩北方苦寒今未已雪底菠薐

如鐵甲

薺

蕨

灤州志灤州菜山產蕨菜

薇

山藥

一名諸薯日下舊聞產采育者甘美特異他處

畿輔舊志正定保定出者著

蔓菁

一名蕪菁陸機草木蟲魚疏葑蕪菁幽州人或

謂之芥爾雅翼蔓菁南北通有之北土種之尤

多

茭白

子即菰米河間府志菰蔣米出茭草中

壺蘆

一作葫蘆可挹可食

萵苣

莖如筍俗呼萵筍

蘿蔔

農書北人蘿蔔一種四名春日破地錐夏日夏

通志卷之五十一 土產

生秋曰蘿蔔冬曰土酥廣羣芳譜一名萊菔一名紫花菘處處有之北土尤多狀有長圓二類根有紅白二色可生可熟可俎可羹又葫萊菔

水萊菔

荇蓬

一名恭菜

菑

草木蟲魚疏幽州謂之燕菑根白可啖

龍鬚

析津日記天壇生龍鬚菜清明後鬻於市食之

甚脆

百合

盤山志產盤山澗中秋冬斷之甘香可食

藕

草木蟲魚疏幽州謂之光旁為光如牛角畿輔

舊志御河出者佳

蒲筍

文安縣志灘裏村出者佳

荊頭菜

輿室記大房山有草葉初生類椿芽僧摘為蔬

食之甚腴

龍芽

〔宣化縣志〕土人謂卽升麻三四月間採食

甘露

俗名滴露又名玉環

莧

有馬齒莧紅莧白莧詢莧錄北人呼苻乃莧音
誤也

茶

一名苦菜

黃花菜

一名金針

豆苗菜

〔盤山志〕叢生似豆苗山家采食之作羹極鮮美
僧智朴詩豆苗競茁紅侵步杏葉才開綠滿筐

杏葉菜

盤山出形似杏葉味甘

苦益菜

〔盤山志〕溝澗中多有之似埜菊有浮毛三月間
采之曬乾亦佳

木蘭芽

永平出

筆管菜

卽黃精苗

石花

產盤山峭壁

木耳

金史地理志大名府產木耳舊志銀山出者佳

地輦

宣化縣志一名地耳又名地踏菜狀如木耳雨

後生腴地上

菌

畿輔舊志木生者如芝草生者如葢土生者如

丁土人總名曰蘑菇惟凍黃天花延壽猴頭雞

腿羊肚爲最日下舊聞松繖出盤山土人目爲

紫蘑菇

擘藍

廣羣芳譜南方謂之芥藍葉可擘食故北人謂

之擘藍葉大於菘根大於芥薹苗大於白芥子

大如蔓菁

苜蓿菜

〔廣羣芳譜〕葉似豌豆紫花三晉為盛齊魯次之燕趙又次之

茄

又水茄宜生食

灰藿

〔廣羣芳譜〕一名灰滌今訛為灰條處處原野有之

土芋

俗呼土豆

蓴菱

蔥

爾雅疏管子北伐山戎出冬蔥及戎菽布之天下畿輔舊志有四種曰凍曰胡曰漢曰蒼

蒜

灤州志山中出者名蒿明志保安州出獨窠蒜

王瓜

學圃餘疏王瓜出燕京者最佳種之火室中逼生花葉二月初即結小實廣平府志臨洛取王瓜之長細者陰乾嚼之有聲名响瓜

梢瓜

菜瓜

〔廣羣芳譜〕北方名苦瓜色青質脆可生食苦者

可作俎

南瓜

倭瓜

一名北瓜

冬瓜

絲瓜

瓠

芥花

蘘香

金史地理志正定府產茴香畿輔舊志一名八

月珠土人名曰小茴香不似舶上來者味厚

椒

灤州志百花峪產極夥盤山志五盆溝產野椒

味同小茴香明志保安州出地椒

秦椒

廣羣芳譜以產秦地故名今北方秦椒另有一

種

果屬

桃

客燕雜記京師佳果桃八紅桃白銀桃小桃蟠
桃合桃酒紅桃霜下桃肅寧八月桃畿輔舊志
甘酸不一惟肅寧最著河間府志銀桃味最佳
絡絲桃紅白相間金桃色紅扁桃形如小餅秋
桃熟遲長垣縣志梨兒桃最佳

李

陸士衡果賦中山之縹李客燕雜記李五紫李
綠李黃李麝香李盤山李

石榴

寰宇記深州趙州產

杏

長安客話杏仁皆味苦有一種甘者名巴旦杏
或謂之八達杏北遊紀方房山車營嶺環十數
里峯頭澗底皆是杏林又東一小嶺樹尤奇古
高者三丈低者丈餘狀如垂柳繁花綴之舊志
梅子本杏屬土人呼為梅杏

梨

魏文帝詔正定郡梨大如拳甘若蜜脆若菱可

以解煩釋悵唐書地理志常山土貢梨杜佑通
 典常山郡貢梨六百顆金史地理志大名府產
 梨肉燕山紀遊過仰山村山多梨樹秋深紅葉
 如燒畿輔舊志種類不一惟遵化之綿梨河間
 之瀛梨廣平之洛梨最著

羌桃

俗名核桃西陽雜俎北方多種之以殼薄仁肥
 者為佳長安可遊記王平口山均多核桃遵化
 州志出陰平者佳

櫻桃

金史地理志平州貢櫻桃大名府產櫻桃煎因
 樹屋書影白櫻桃生京師西山中微酸不及朱
 櫻之甘碩

山榧

俗呼山裏紅

栗

史記貨殖傳燕秦千樹栗草木蟲魚疏五方皆
 有栗惟漁陽范陽栗甜美長味唐書地理志幽
 州土貢栗宋史地理志廣信軍貢栗金史地理
 志薊州產栗王逸荔支賦北燕薦朔濱之巨栗

明王嘉謨石甕記幽薊棗栗干子可食數日析
津日記燕京市肆及秋則以錫雜石子爆之栗
比南中差小而味頗甘

棗

神異經北方大棗味有殊既可益氣又安軀元
和志信都縣東北五十里漢煮棗侯國六國時
於此煮棗油客燕雜記棗五纓絡棗賽梨棗合
兒棗密雲棗無核棗冀州論安平好棗地產不
爲無珍舊志博野棗強爲最蕃

松子

杜佑通典安邊郡蔚州貢松子一石宣化縣志
葉五出者有子

榛

昌平州志榛出北山黃花鎮者良黃花鎮記鎮
有禮鼠冬聚榛實爲糧於穴中貯之皆美好價
倍於人山氓多掘取之

蘋婆

采蘭雜志燕地蘋婆果味雖平淡夜置枕邊有
香氣帝京景物畧昌平玉峯山樹盡蘋婆果

柰子

長安客話韋公莊里許有柰子古樹婆娑數畝
春時花開望之如雪三夏葉特繁密列坐其下
烈日不到袁宏道謂戒壇老松顯靈宮栢城南
柰子可稱卉木三絕

花紅

畿輔舊志俗名甜果卽林檎易州完唐二縣最
夥

沙果

畿輔舊志綿而沙者曰沙果又秋子似沙果而
小土人多曝爲乾

檳子

一名虎喇檳

倒弔果

世祖御製文集倒弔果俗名弔搭果形似山梨而小體微

長味酢肉多沙長蒂花實皆下垂故名性暖健
脾消食樹枝葉俱如梨今遵化沿邊多有之

柿

小曰火柿大曰蓋柿

羊棗

俗呼軟棗一名丁香柿

後補通志 卷之五十一 土產

杜梨

〔鄭康成詩註〕北人謂之杜梨南人謂之棠梨

銀杏

一名白果一名鴨脚子〔宋梅堯臣詩〕北人見鴨

脚南人見胡桃識內不識外疑若橡栗韜鴨脚

類綠李其名因葉〔高珂雪齋集〕法雲寺在西山

後有銀杏二株大數圍〔舊志〕今近山諸處多植

之

文官果

〔五雜俎〕形如螺味甚甘類滇之馬金囊

無花果

〔倦遊錄〕木饅頭京師亦有之謂之無花果

蓮實

順德最蕃

菱

〔水經注〕陽城澱匪直蒲筍是豐實亦偏饒菱藕

芡

〔爾雅翼〕鷄頭也幽州人謂之鴈頭又名鴈喙實

內有米圓白如珠久食宜人

芰

畿輔舊志昌黎縣筆峯山下有玉硯池芰荷幽
茂河間府志白洋淀衆水所匯深廣四通芰荷
交匝望之若河湖焉

芡薺

櫻額

聖祖御製文集櫻額樹叢生果形如野葡萄而稍小味甘
澁性溫補脾古北口外亦有之山莊之千秋島
遍植此種每當夏日則纍纍綴枝遊觀其下殊
堪娛目不獨秋實之可採也

葡萄

聖祖御製文集近得哈密各種植於苑籞中結實有白者
綠者長如馬乳者又一種大葡萄中間有小者
名公領孫又一種小者名瑣瑣葡萄種類雖殊
食皆甘美移植南方便失本味大約其性於北
方沙石水土相宜容城縣志馬乳者多有玉葡
萄味甘廣羣芳譜北方天寒初冬草裏埋地尺
餘春分後取出數日後架起子生去繁葉使露
風露則結子肥大

山葡萄

一名燕菓粒小味酸

西瓜

魏文帝與曹質書憶昔南皮之游浮甘瓜於清泉沉朱李於寒水范石湖詩註西瓜味淡而多液本燕北種延壽書瓜性寒北人秉壯食之無虞月令廣義燕都士庶中秋饋遺月餅西瓜之屬名看月會帝京景物畧京師七夕以瓜雕刻成花謂之花瓜舊志唐縣出者佳

甜瓜

清異錄瓜最盛者無踰齊趙車擔列市道路濃香故彼人云未至舌交先以鼻選學圃餘疏甜

瓜以香而小者為第一

花屬

牡丹

燕都遊覽志草橋牡丹栽如稻麻滌水亭雜識北地大房山僧多種之其色有大紅淺綠江南所無也撫寧縣志牡丹坡多產牡丹

芍藥

析津日記京師豐臺芍藥連畦接軫倚擔市者日萬餘莖永平府志桃林關外有芍藥川花多白開時彌漫十餘里

金蓮花

聖祖御製避暑山莊詩序金蓮映日處廣庭數畝植金蓮花萬本枝葉高挺花面圓徑二寸餘日光照射精彩綉目

梅

有九英綠萼紅白各種述異記邯鄲有邯鄲宮基中有趙王之果園梅李至冬而花

榆葉梅

畿輔舊志葉似榆花開如紅梅故名枝柔可以編籬

蠟梅

燕都遊覽志隆恩寺小軒蠟梅一株甚大江南亦不多得

水仙

海棠

帝京景物畧上西府次鐵梗次垂絲贗者木瓜辨之以其葉木瓜花先葉海棠葉先花韋公慈仁二寺皆京師海棠盛處

秋海棠

丁香

紫白二種

榴花

遵生八箋燕中榴花有千瓣白千瓣粉紅千瓣黃千瓣大紅單瓣者比他處不同中心花瓣如起樓臺謂之重臺石榴

桃花

畿輔舊志有山桃園桃惟千葉碧桃為最六街花事桃花有白者梨花有紅者亦上苑異種

李花

又郁李花有粉紅有白

梨花

熱河入梨樹峪過三岔口循澗西行可里許梨花萬樹

蘋婆花

畿輔舊志紅白雅淡北花中之最可愛者

柰花

詳前柰子

荷花

聖祖御製避暑山莊詩序長虹飲練處湖光澄碧一橋臥

波橋南種敖漢荷花萬枝間以內地白蓮錦錯

霞變清芳襲人爾雅註北方人便以藕為荷亦

以蓮爲荷日下舊聞涼水河蓮塘最勝有坊額
曰十里荷香畿輔舊志順德府最蕃

學枝

葵

有冬葵戎葵菟葵向日葵黃葵錦葵蜀葵諸種

菊

帝京景物畧菊種最繁種菊之法自春徂夏辛

苦過農事草橋圃人廢晨昏者半歲而終歲衣

食焉

探春

白玉紫香二種

玉簪

薔薇

一名薔藤

月季

俗呼月月紅

夾竹桃

木槿

紫藤

吏部堂右古藤十丈爲明侍郎吳寬手植

迎春

金銀藤

一名忍冬天府廣記昌平駐蹕山西北清水澗

崖間百合忍冬棠杜牛奶黃精之屬紅翠含濡

紫荊

紫薇

酉陽雜俎紫薇北人呼為猴郎達樹謂其無皮

猴不能捷也北地其樹絕大有環數夫臂者

金粟

俗名萬苕蓮亦名鶯粟

虞美人

長春

俗呼金盞

石竹

一名石菊又名洛陽花叢生花色以數十種計

鳳仙

一名指甲花俗呼海薊

玫瑰

遵生八箋有二種其一種色黃出燕中花稍小

於紫玫瑰

八仙花

一名避麝

夜合

俗呼馬纓

荷包牡丹

卽當歸花一名朝鮮牡丹苑西集碧葉紅葩娟
潔可喜爲春時草花第一

金錢花

一名子午花俗呼夜落金錢

望江南

雞冠

有紅黃白數種矮者名壽星雞冠

蝴蝶花

一名鳳翼

剪秋羅

捲丹

一名渥丹

六月菊

苑西集黃心藕合瓣有重紋自六月開至秋都
人因名之

江西臘

烏斯菊

一作無絲菊

金鈴

長安可遊記度仰嶺十八盤有村名桃源遍開

野菊金鈴聚花知織組

棣棠

鼓子花

舊志花似牽牛

萱花

六街花事萱草一名紫萱今京師有草花葉類

萱春時葉布地經暑則朽及秋花發則葉已無

存矣都人謂曰孤挺花花淡紫色疑卽紫萱也

轉枝蓮

蓼

夢溪筆談六宅使何承矩議因陂澤之地潄水

爲塞欲自相度恐其謀泄日會僚佐泛船置酒

賞蓼花作蓼花遊數十篇繪爲圖舊志江鄉花

也北地高幾以丈俗呼水葒花

金雀

牽牛花

俗呼紅娘子

紅花

爾雅葍習鑿齒與謝侍中書曰此有紅藍北人

采取其花作胭脂婦人粧時作頰色用如豆許

按令徧頰殊覺鮮明通雅紅藍卽紅花北方有

焉支山多紅藍北人采花染緋取英鮮者爲燕

脂畿輔舊志新河南和等縣最蕃

優鉢羅化

日下舊聞開必四月八日至冬而實中金色佛

一尊者核也在禮部儀制司秀水李日華有記

今無

馬蘭

通志馬蘭生道旁似蘭而大色藍無香

木屬

松

周禮職方氏冀州其利松栢

聖祖御製避暑山莊詩序無暑清涼之南長松環翠壑虛

風度如笙鏞迭奏不減西湖萬松嶺也燕山紀

遊石徑山東南行至林衡署有古松數百株參

錯平野盤山志盤山之松以百萬計而奇絕者
多生石罅中擁腫卷曲如怒龍之攫又陂陀土
壤而生者大數十圍龍鱗斑駁或挺茸直上或
青蔥垂下口北多松柏蔽雲干霄為千里松林

柏

明志府西北清白口社柏山四旁多產柏薊州
志天城少林龍泉香水諸寺柏皆千年物

檜

一名栝西山遊記碧雲寺殿前二栝松十圍日
出映之山中蒼蒼如青雲起

楓

聖祖御製文集

北方原無楓樹之名自南巡見楓樹方知
北方之楡木卽是楓樹但南方楡木維喬所以
直生北方楡木維叢故矮短耳其枝葉則相同
也熱河北嶺多楓葉茂而美蔭其色油然

槐

又一種曰龍爪

椿

宦遊記聞涿州靈椿寺椿木一本大不可量凡
樹影皆隨日月升沉以為斜正而椿影早暮未

桑

嘗少移畿輔舊志芽可充蔬

五雜俎涑水道中有桑高十餘丈蔭百畝云卽
 昭烈舍前之桑也萬齋詩話庾子山詩桑葉紛
 紛落薊門王介甫詩幽燕桑葉暗川原幽薊古
 多樹桑今則絕少矣固安縣志人素不事機杼
 楊太僕家種桑千株纒絲織紵以爲衆倡大名
 府志魏以西南多桑絲子曰甚容齋三筆幽州
 人以桑甚爲糧異苑北方有白桑甚長數寸食
 之甘美

榆

爾雅翼江南有刺榆無大榆蓋大榆北方有之
 典術北方種榆九根宜蠶桑田穀好又白榆一
 名粉河間府志白粉皮可充飢其錢甚美漢龔
 遂治渤海令民口種十樹備飢交河縣志白粉
 堅實可作器物帝京景物畧榆春錢天壇扞
 榆錢以秋爲京師七奇樹之一

楊

廣羣芳譜北方材木全用楊槐榆柳人多種之
 懷來縣舊志楊木長柴產寶鳳山柴烟直上爲

郊壇焚燎之用每年四月入山斫伐九月編筏起解務於冬至前交納

聖祖御製文集明時宮中用馬口柴取給於蔚州昌平諸

州縣其柴長四尺許整齊白淨兩端刻兩口以

繩縛之故謂之馬口柴康熙初年炊爨還用此

今惟天壇焚燎用之

柳

唐書地理志滄州土貢柳箱宋史地理志滄州

貢大柳箱金史地理志大定四年命都門外夾

道重行植柳各百里

柞

冬青

檀

名勝志涑水之山峯巒秀麗中多檀木

桃木

盧龍志枝幹勁直色紫皮滑可以裹鏃

枸橘

一名鐵籬寨

椴

段成式肉攬部鷹有房山白生代東房山白陽

檜樹上宣府志大白陽堡南四里有檜樹山上
有古檜樹

櫟

緣山谷生之薊州上方寺者最古子曰橡斗可

染皂

娑羅樹

帝京景物畧香山臥佛寺娑羅樹大三圍皮鱗

鱗枝槎槎瘦纍纍根搏搏花九房葉七開實三

稜西域種也

桐

有椅桐青桐梧桐燕京賦注在桐多生楚粵椅
桐宜於北地

梓

杆

宣化產葉似松而有刺

楮

草木蟲魚疏幽州人謂之穀桑或曰楮桑皮可

作紙今永平出磁州志楮皮浸之造紙出響水

亮東武任二村

檉

樺
河間府志俗名西河柳性浮為舟可以負重

唐書地理志媯州土貢樺皮宣化府志張家口
出皮有紫黑花者可裹弓皮厚者為煖木可鑲
器物

苦櫪

一名秦皮

楸

史記淮北常山以南河濟之間千樹楸述異記
中山有楸戶掌楸木可為什器畿輔舊志玉田

楸子山行五里許楸樹紛披

杜

河間府志即杜梨一名甘棠可任剗刷

竹

帝京景物畧燕故難竹至水盡頭林林畝畝竹
丈始枝筍丈猶蘗竹粉生於節筍梢出於林根
鞭出於籬孫大於母昌平志城東麻子港甚繁
筍亦可食

棘

山海經北嶽之山多枳棘剛木

卉屬

艾

有家埜二種

菖蒲

隋圖經邯鄲紫山下有石石上菖蒲一寸九節

舊志一寸九節者出居庸石洞中

芭蕉

老少年

一名十樣錦

葛

遵化州志葛長緣山谷間根可食絲可織花可醒酒土人取之違其用非編籬即束薪再則經籬落而已邯鄲縣志葛山林木森鬱葛藟尤盛

女蘿

一名金線草

懋題草

帝京景物畧房山縣白蒂山生懋題草

紫草

唐書魏州土貢紫草宋史大名府貢紫草

苜蓿

菴蓀草

昌平舊志居庸出金稜銀線素莖紫莖

紫花地丁

一名箭頭草

紫石英

隋圖經邯鄲紫山春夏有氣菴鬱巖間生紫石

英

洛神珠

一名酸漿草俗呼紅姑娘

旱蓮草

吉祥草

龍珠

穀精草

慎火草

卽佛指甲

芄蘭

草木蟲魚疏幽州人謂之雀瓢蔓生葉青綠色

而厚斷之有白汁鬻爲茹滑美其子長數寸似

瓠

觀音草

虎鬚

老鶴草

鈴兒草

藪

草木蟲魚疏似栝樓幽州人謂之烏服

蘆

丹鉛錄蘆葦通一物北人以水傍下濕處生者

為葦其細不及指人家園池間所植者為蘆其

幹差大深碧色者為碧蘆排悶錄京師無筍以

蘆芽為筍燕都遊覽志葦中貴別業四圍多水

荻花蘆葉寒鴈秋風令人作江鄉之想廣羣芳譜荻似荏而細高數尺中實

蒲

水經注陽城澱匪直蒲筍是豐實亦偏饒菱藕

寰宇記莫縣東南隅中有蒲柳多葭葦元和志

長蘆縣薩摩陂周五十里有蒲魚之利

水蔥

藍

染草有大小二種即靛也

麻

雄者為臬雌者名苴有檉麻火麻河間府志火麻又名線麻黃麻

鹽蓬

河間府志葉圓長至秋枝葉俱紅燒灰煎之可得鹽極甘美

鰾蓬

河間府志似鹽蓬而大曝乾為燼煎之可得鰾茅

瀛州青茅草可作筆幽燕紀異茅地經冬燒去枝梗至春取土中餘根色如玉者搗汁煎之至

甘可為洗心糖唐山縣志茅山山際出茅有刺而三脊

煙草

食物本草閩產者佳燕次之春種夏花秋日取葉切細如髮草頂數葉名曰葢露昌平州志先白浮山村產者良後城中更勝

蒿

宣化縣志蓬蒿結實名沙米河邊沙灘所生可食

藥屬

人蔘

唐書地理志幽州檀州平州營州土貢人蔘太

平寰宇記幽州土產人蔘檀州貢安東府蔘定

州貢恒山人蔘茶經人蔘生幽州檀州者為藥

無效

沙參

白芷

明志樂亭縣出香白芷

黃芩

荊芥

芍藥

赤白二種

防風

天南星

金史地理志正定府產

續斷

本草生常山山谷

遠志

太平寰宇記薊州土產遠志白朮

白朮

醫輿通元
卷之五十一
三

蒼朮

〔金史地理志〕大興府產蒼朮半夏滑石五味子

半夏

滑石

五味子

〔畿輔舊志〕北地多有永平產特佳

桔梗

茵陳

柴胡

〔圖經〕北地者色黃白枯脆無氣味

秦艽

木瓜

〔金史地理志〕正定府產

車前子

〔卽芨苢〕爾雅翼幽州人謂之牛舌草正字通開

州者良

黃精

〔天府廣記〕昌平駐蹕山西北清水澗崖間牛奶

黃精之屬紅翠含濡

桑白皮

太平寰宇記澶州土產

薄荷

代赭石

金史地理志大興府產

草薺

圖經生正定山谷

蘇

河間府志無紫者味不芳烈

酸棗仁

蔓荊子

唐書地理志平州土貢蔓荊實杜佑通典北平

郡貢蔓荊子四觔明志盧龍遷安出

青黛

太平寰宇記趙州產青黛

細辛

桑寄生

白鮮

本草生上谷川谷及寃句

地膚子

俗呼掃帚

嬰麥

馬兜鈴

天花粉

知母

藥錄幽州蛇膽知母

充蔚

卽益母草

萊菔子

芎

金史地理志正定府產芎

旋覆花

蒲公英

香附子

太平寰宇記澶州土產金史地理志河間府產

白蒺藜

劉寄奴

芫花

威靈仙

藜蘆

土人謂之慙慙

枯樓

一名地樓灤州志北城土垣甚多

澤瀉

篇蓄

郁李仁

枸春

本草生常山川谷

枸杞

古以常山者為上

地骨皮

商陸

葇若

丹參

元參

圖經生河間及宛句今處處有之

紫苑

圖經生房陵山谷及正定邯鄲

蒲黃

禹餘糧

王不留行

藁本

〔密雲志〕香陁山出藁本雜香

兔絲子

夏枯草

石菖蒲

〔隋圖經〕邯鄲紫山下有石石上菖蒲一寸九節

菘菘

唐縣出

皂角

〔金史地理志〕正定府產

升麻

麻黃

白牽牛

〔金史地理志〕大興府產

白龍骨

〔金史地理志〕大興府產

白石英

永平出

紫石英

永平出

畿輔通志卷之五十六

畿輔通志卷之五十七

土產

石屬

玉

名勝志玉田龐山南卽種玉山也

瑪瑙

宣化縣志鎮城四角洞出然亦僅見

水晶

宣化縣志鎮城北黃尖山出

琉璃

宛平出

畫眉石

燕山叢錄宛平齋堂村出石黑色而性不堅金時宮人多以畫眉

燕石

山海經注燕山多嬰石似玉有符采嬰帶名勝志滿城玉山多白石如玉所謂燕石次玉者也

上水石

花斑石

蔚縣出

白玉石

五雜俎京師北山大石窟水中產白石如玉等供大內堦砌欄楯之用柔而易琢鏤為龍鳳芝草形採盡復生

礪石

保安州出

豆查石

盤山志石大數十丈或方或圓如鑿如削又能壯樹大凡依石之樹倍大

元精石

金史地理志邢州產

赭石

山海關出

磁石

唐書地理志惠州土貢磁石宋史地理志磁州

貢磁石

礪石

龍門縣出

文石

唐書地理志邢州土貢文石永平府志灤河出

文石

黑石

遊生八箋燕中黑石狀若英石紋片皴裂可作

研山但石性鬆脆不受擊觸

火石

懷來縣志火石嶺產五色火石

金砂

盤山地多金砂雨後晶光耀目

解玉砂

宋史地理志邢州貢解玉砂燕山叢錄玉田縣

南有溫泉砂隨水出色白而細磨治金玉能令
光瑩又名寶砂靈壽出

硯

稗史彙編薊州產褐黃石硯理麤發墨不滲類
夔石土人刻成研以草灰煨之遂變紫用之不
燥

礬

宣化縣志有五色馬鞍山出磁州志西山一帶
入穴數十丈見水取其清者煉成黑礬濁者成
黃礬

石炭

戒菴漫筆北京諸處多出石炭俗稱為水和炭
可和水而燒也磁州志出州西山入穴取之深
數十丈先見水水盡見砂石砂石盡見炭有三
種初得者為山青次為大青末為下架或煉為
焦炭備冶鑄之用

煤

撫寧縣志椒果山東為六羅山上莊坨其西為
石嶺皆產煤

包金土

昌平州志紅舌口出宣化縣志鎮城及蔚州出
色微黃中帶金星用以泥祠殿壁

白土

隋圖經常山房子城出白土細滑膏潤可以塗
飾兼用濯錦可致鮮潔燕山叢錄豐潤琵琶山
產白土如粉可飾屋壁

綠土

蔚州出

紅土

不灰木

石質木性易州滿城蔚州出可製為盆爐等器

石灰

貨屬

金

金史地理志大興府產金銀銅鐵元史食貨志
金之所在腹裏曰檀州永平府志寬河川出又
盧龍陽山溪中所出色艷而小如粟粒淘之得

不償工

銀

元史銀在大都者至元十一年於檀州奉先等

洞採之十五年於薊州豐山採之

銅

〔金史地理志〕正定府產銅〔畿輔舊志〕白溝河東北五里有銅礦山今無採者

鐵

〔漢書地理志〕北平有鐵官後漢書漁陽泉州有鐵和帝紀永元十五年復置涿郡故鹽鐵官唐書地理志馬城東北有千金冶〔秋澗集〕元燕北燕南設立鐵冶十七處歲課鐵千六百餘萬明統志遷安盧龍二縣出暇老齋雜記正統初軍

器之鐵取足遵化昌平山水記檀州大峪錐山有鐵鑛明時亦嘗開採今封閉

錫

〔永平府志〕遷安出丹錫

銅鏡

〔畿輔舊志〕易州出者最著

絲

〔唐書地理志〕滄州邢州土貢絲〔太平寰宇記〕趙州產絲〔河間府志〕宋河間繭絲織絰之所出貢絲大名府志土宜桑絲然近時樹藝者少織絰

不廣魏縣志民務蠶繅絲成則坐買山右客商

綿

唐書地理志幽州范陽郡冀州信都郡易州莫

州土貢綿宋史地理志莫州慶源府貢綿太平

寰宇記幽州土產綿金史地理志河間府產無

縫綿畿輔舊志保定正定多植之

絹

隋圖經清河絹為天下第一唐書地理志幽州

范陽郡瀛州河間郡莫州文安郡冀州信都郡

深州饒陽郡趙州趙郡魏州土貢絹宋史地理

志霸州清州保州信安軍永靜軍順安軍河間

府冀州深州慶源府恩州貢絹滄州貢大絹元

和志貝州磁州澶州貢絹太平寰宇記幽州貝

州土產絹金史地理志大名府產皺縠絹畿輔

舊志屯絹出京都者佳次則廣平之清河又生

絹黃白二種出易州者最著

紬

唐書地理志易州定州土貢紬洛州土貢純綿

紬魏州土貢花紬綿紬平紬純宋史地理志雄

州洛州貢紬保定軍貢純祁州貢花純安肅軍

貢素絕大名貢花紬綿紬平紬元和志洛州貢
 綿紬縑纈魏州貢綿紬平紬澶州貢平紬太平
 寰宇記洛州土產平紬純子紬畿輔舊志曲周
 肥鄉綿紬最著長垣縣志紬帕粗備一方之需
 非精好可致遠

羅

唐書地理志常山土貢孔雀羅瓜子羅春羅定
 州土貢羅宋史地理志正定府貢羅金史地理
 志涿州貢羅

綾

唐書地理志幽州范陽郡土貢綾定州土貢細
 綾瑞綾兩窠綾獨窠綾三包綾熟線綾太平寰
 宇記涿州土產綾宋史地理志中山府貢大花
 綾金史地理志平州貢綾長垣縣志唐土貢之
 額韋城曰方文綾紗日下舊聞范陽之綾貢於
 唐宋霸州亦產絲絹元於涿州設錦局織染坭疋
 舉司不知何時遂休其蠶織也

錦

杜佑通典趙郡貢錦五十疋

刻絲

蓼花洲閒錄定州織刻絲不用大機以熟色經於本杼上隨所欲作花草禽獸狀以小梭布緯時先留其處以雜色線綴於經緯之上合以成文不相連承空視之如雕鏤之象故名刻絲

布

唐書地理志滄州邢州土貢布太平寰宇記趙州貝州土產布廣羣芳譜肅寧之布幾同松之中品河間府志土布細者次於吳中

氈

唐書地理志貝州土貢氈覆鞏氈杜佑通典清

河郡貢氈十領宋史地理志恩州貢白氈太平寰宇記貝州土產白氈靴氈

席

唐書地理志澶州土貢鳳翮席景州滄州土貢葦簾杜佑通典景城郡貢細簾四領宋史地理志開德府貢蓂莢席永靜軍貢簾金史地理志河間府產藺席

紙

帝京景物畧有貢箋有綿料邊又有白箋洒金箋五色粉箋金花五色箋五色大簾紙磁青紙

畿輔舊志永平桑皮者著開州志清河濱人多造紙爲業頗佳

墨

唐書地理志易州土貢杜佑通典上谷郡貢墨二百挺

筆

秋澗集燕之筆霜雪穎也勁而莫爲屈

陸薰香

白川學海邯鄲出

函

周禮考工記燕之無函也非無函也夫人而能爲函也

角弓

唐書地理志幽州澶州土貢角弓

刀

唐書地理志邢州土貢刀

瓷器

唐書地理志邢州土貢瓷器宋史地理志邢州貢白瓷瑣金史地理志正定府產瓷器定州志窑器珍於天下江南好事者往往蓄之索諸定

茂如也磁州志彭城鎮燒造甕缶盆碗鑪餅諸
種有黃綠翠白黑各色然質厚而麤只可供市
肆莊農之用

鹽

周禮職方氏幽州其利魚鹽史記燕有魚鹽棗
栗之饒漢書地理志章武縣有鹽官括地志滑
鹽地宜五穀有鹽池之利寰宇記渤海在鹽山
縣東北一百三十里鹹土在縣東七十里四周
一百五十里地帶海濱其土鹹鹵海潮朝夕所
及百姓煮之為鹽今沿海有場設官司之長蘆

鹽課出於縣者十有五六金史食貨志大定年
置滄寶坻鹽司明制書北平河間鹽場二十四
處歲辦鹽六萬三千一百五十三引三百觔零
天津衛志大海去城百餘里商出百萬之課民
獲與販之利魚鹽之藪也冀州志舊有火鹽甚
佳今無

硝

金史地理志大名府產硝畿輔舊志有朴硝焰
硝多產斥鹵中大名府志出硝河

鹽

金史食貨志刮鹹土煎食者杖

黃蠟

蜜

畿輔舊志山蜜多白家蜜多紅

白膠

唐書地理志漁陽郡土貢白膠

酒

宋趙珣熙寧酒課十萬貫以上滄二十三務正
定八務定六務五萬貫以上澶九務冀十四務
瀛十務棣十三務邢十二務深五務趙七務磁

十一務祁三務保一務三萬貫以下莫四務雄

一務乾寧二務霸四務安肅一務永寧二務廣

信一務順安一務北平一務一萬貫以下信安

一務保定一務宋張能臣酒名記澶州中和堂

正定府銀光河間府金皮又玉醞保定軍知訓

堂又杏仁定州中山堂又九醞保州巡邊銀條

又錯著水棣州延相堂恩州揀米又細酒洛州

玉瑞堂夸白堂又玉友邢州沙醞金波磁州風

麴法酒深州玉醞趙州瑤波定州瓜麴又錯著

水宋周燁北轅錄燕山酒固佳所餉尤為醇厚

名金瀾蓋用金瀾水以釀之也五雜俎京師有
薏酒淡而有風致易州酒勝之而淡愈甚鳳洲
筆記薊州薏苡仁酒三屯營所造更勝河間府
志酒多以菊名然推滄產

炭

昌平州志光祿舊額炭四百觔暖妹由筆內用
炭俱圓木所燒長尺許兩頭磨光外有麻路恐
爆用礬糠火煨熟一筐可三四十斤

禽屬

鶴

灰白二種執河進榛子峪夾嶺虬松蒼蔚鳴鶴
飛翔

青鶴

拾遺記幽州之墟有善鳴之禽人面鳥喙八翼
一足毛色如雉行不踐地名曰青鶴

鵝

昌平州志光祿舊解額鵝翎六千根

雞

鴨

鴈

爾雅翼北方有白鴈似鴻而小色白秋深乃來
來則霜降

鷹

西陽雜俎鷹有房山白紫背細斑便兔生房山
白楊椹上向范陽中山飛漁陽白腹背俱白
便兔生徐無及東西曲白葉樹上向章武合口
博海飛黑尾鷗生漁陽山松柏樹上向章武飛
白皂鷗生漠北枯柏樹上向中山落陽章武飛
青斑生代北白楊樹上向靈邱范陽飛明志昌
黎縣道者山出鷹鷗

鷗

文獻通考雲州唐貢鷗羽

鷓

舊志雀鷹也其類有馬雄細雄舵兒鬆兒等名

鶻

似鷹而腿差短使遼錄北人二月三月放鶻號
海東青打鴈松雪齋集皇慶元年賜大都留守
伯帖木兒白兔鶻一翎翮皓潔白雪同皎至延
祐元年毛羽變赤光采艷奕異於尋常

魚鷹

淘河

鵲

天鵝

燕山叢錄灤縣西有延芳淀遼時每季春必來此戈獵打鼓驚天鵝縱海東青擒之

鳩鵲

俗呼青莊

鶉雞

黃鳥

草木蟲魚疏幽州謂之黃鸞

御製避暑山莊詩序甫田叢樾之西夏木千章濃陰

數里黃鳥好音與薰風相和

布穀

雉

爾雅雉絕有力奮北方曰鷩水經注磨笄山每

夜有野雞羣鳴於祠屋上故亦謂雞鳴山天府

廣記昌平駐蹕山西北崖間鳥窠雉囿徧其巖

穴

鳧

又名野鴨

燕

帝京景物畧采育東有阜高丈廣三四十尺曰聚燕臺歲秋社京畿城村燕各將其雛聚此臺呢喃竟二日而後去

鴛鴦

鷺鷥

油葫蘆

鳧之小而肥者

烏

魏書靈徵志景明四年幽州獻四足烏正光元

年幽州獻三足烏正光元年幽州獻白烏舊志白頸者名寒鴟

鵲

魏書靈徵志延興二年四月幽州獻白鵲

鳩

草木蟲魚疏雉鳩深目目上骨露出幽州人謂之鷺雛鵲鳩幽州人謂之鷓鴣畿輔舊志祝鳩最多祝鳩即鳩

鷺

鷓鴣

城北集以玉田豐潤永平產者為佳毛勁者如竹葉軟者如芙蓉

相思鳥

桑扈

一名蠟嘴

鷓鴣

夢溪筆談鷓鴣之小而綠色者北人謂之螺

阿鷓

似山鵲而小

北畫眉

一名灰串

飛生鳥

畿輔舊志居庸出狀如蝙蝠而大產婦持其毛

皮易生

地鵝

似鴈無後跡

鷓鴣

爾雅注俗呼茲老

鷓鴣

爾雅注大如鴿鼠脚無後趾愍急羣飛出北方

沙漠地一名沙雞亦呼牛翅

鴛

一名啄木

姑惡

一名苦鳥

黎雞

翠雀

多生水際

拖白練

卽練雀

瓦雀

俗呼家雀

靛雀

大似瓦雀土人呼爲白白回回

麻料

紅料

黃雀

小丹邱客談京師田雀以四月肥背有黃羽與

江鄉純色者別以江南食法製之亦甚腴美蓋

江南黃雀所食者稻疑北地以食麥而肥也

桃雀

禽經狀類黃雀而小燕人謂之巧婦亦謂之女匠

貯點紅

獸屬

馬

左傳冀之北土馬之所生史記貨殖傳龍門碣石北多馬牛羊旃裘筋角魏都賦冀馬填廐而駟駿唐天文志冀之北土馬牧之所蕃庶故天苑之象存焉杜陽雜編范陽節度使李懷仙貢

九花蚪額高九寸毛拳如麟身被五花紋海錄

碎事周時燕王進馬一形十影言其駿也明王

嘉謨石甕記幽薊馬四足可當中人之產保安

州志馬多自口外至者

羸

驢

牛

周禮職方氏冀州其畜宜牛羊爾雅北方之美者有幽都之筋角焉考工記燕之角材之美者也淮南天文訓北方其地多牛羊文獻通考雲

州唐貢犖牛尾

羊

豕

符子朔人獻燕昭王以大豚年百二十矣人謂豕仙方言燕謂之豕

鹿

聖祖御製避暑山莊詩序流杯亭之北瓜圃平原如掌豐

草茂木麇麇雉兔交牝其間唐六典冀州貢鹿角膠久罷天府廣記昌平駐蹕山西北山鹿之毛毳豪豬之毛丰茸隨風

麇

又麇形似麇俗呼香麇杜佑通典媯川郡貢麇香十顆

麇

天府廣記自高粱至德勝小山至衆獸有虎豹奇狸豪豬兔麇

鹿

虎

山海經幽都之山上有元虎元豹圖書編走碣石最高峰西望連巖邃谷大麓多虎豹熊羆所

伏游

豹

唐書地理志營州土貢豹尾皮骨髓

熊

唐書地理志平州土貢熊鞞明一統志蔚廣多

出熊膽撫寧縣志熊山舊常產熊

狼

野豬

狐

舊志種類不一灤州止馬山出者毛深厚色赤

貉

魏縣舊志土貢狐皮二十八張

獾

魏縣舊志土貢麀獾貉皮六十二張

狸

薊邱集京師北山獸有虎豹奇狸

青羊

宣化出

黃羊

明一統志味甚美宣化出

秋羊

宣化出

犬

宋書五行志幽州有犬鼻行地三百餘步

地猴

一名黃鼠狼霏雪錄黃鼠畏地猴入其穴則啣

黃鼠喙曳而出之

黃鼠

昌平州志黃鼠足短善走見人則交其前足拱而如揖昌平山水記黃花鎮有鼠色如鼯而毛

淺澗水燕談契丹國產大鼠曰毗狸形類大鼠而足短極肥其國以為殊味

兔

唐書元宗時創集賢書院河間景城清河博平四郡歲貢兔皮千五為筆材樂亭縣志海中形如半月廣數十頃名月坨其間草木繁殖雉兔充斥冰合時居民嘗射獵於此

貓

燕京賦注波斯貓極大拂菻狗極小今為京師土產

松鼠

〔盤山志〕有二種一小者大不過三寸通身豹紋最靈黠名松鼠一大者灰色善盜果實名臊鼠

鼬

臊狗

〔盤山志〕狀似狸黑黃色走峭壁迅疾如飛

水族

魚

周禮職方氏幽州其利魚鹽史記燕有魚鹽棗栗之利

鯉

山谷別集燕人膾鯉方寸切其腴以啗所貴舊志出鞏華者佳鱗金色目皆赤暈又出漳滏中肥而味亦美順義縣志白河最佳俗云順鯉

鰕

灤州志三月以後出海

鯽

〔永平志〕灤河偏涼汀產最佳大者重三四觔味美湖湘不及

魯

天津灤州四月以後出海

鱣

牛魚

〔王易燕北錄〕牛魚背長鱗硬頭有脆骨重百觔
即南方之鱣魚也鱣與鱠同

羊魚

天津出形圓尾似牛尾多刺手不可觸

魴

〔草木蟲魚疏〕魴廣而薄肥恬而少力細鱗魚之
美者漁陽魴似魴而頭大或謂之胡魴

白魚

水經注大防嶺山下有石穴其水夏冷冬溫春
秋有白魚出穴數日而返人有採捕食者美珍
常味蓋亦丙穴嘉魚之流類也

鰻

灤州出者佳

巨羅

細鱗多刺天津呼為騰香魚

鰻

銀魚

寶坻縣志銀魚霜降後自海中蛤山出逆流北上薊州溫泉下育子其色瑩白如銀

黃花

鱧

俗呼黑魚一名七星唐書地理志滄州土貢鱧

鮐鮐通典景城郡貢鱧鮐三百五十挺

白條

似銀魚而身細肉薄乾可以蓄俗曰麵條天津

永平出

鱈頭

俗呼鯉後

鮓

鮓

寰宇記武安朱衣山下有水北流中有鮓魚名

朱衣鮓鱗色如金腸似朱

比目

魚惟一目行則二魚相附北游紀方房山甘池

石將軍廟下穴中有一目魚長可四寸每於清

明日出穴析津日記甘池有魚一目涿水有魚

重唇土人呼為鞋底魚

八帶

永平府志形若革囊口在腹下八足聚生口旁如帶卽烏鰂魚

黃姑

鮎

石鱧

新城縣志三伏以前西山雨後水漲有魚隨水而下曰石母長三五寸味不甚佳至雄縣生子乃曰石鱧逆水北上舁躍中河雄人伺於津梁渚涘間取之白溝河亦然石鱧子長寸餘至二

寸許味肥美

鯿

汪刺

房魚

出海中大如房或隨潮陷沙上土人取脂煎油

海鮐

永平出形如黃姑大不過二三兩

鯊

鮫

出海及灤河

河豚

丸子

灤河出身黃頭大有翅無鱗

金魚

帝京景物畧金有魚藻池魚之種深赤曰金瑩
白曰銀雪質墨章赤質黃章曰璚瑁魚有異種
者曰銀鞍曰鶴珠曰七星曰八卦有蝦種者曰
銀目金目雙環四尾

魚子

河間府志津門所饒

龜

鼈

蝦

金史地理志河間府產錢蝦天津志有虹蝦線

蝦對蝦

蟹

唐書地理志滄州土貢糖蟹遼志渤海螃蟹紅
色大如碗螯巨而厚金史地理志河間府產春
渚記聞霸州邊塘灤霜蟹不論錢天津衛志秋
間肥美味甲天下

蛭

螺

〔燕山叢錄〕豐潤海出螺大者如斗其殼可以代
甌小者如拳殼可製杯土人謂小者為羸

蚌

蛤

有海蛤文蛤

蠃

蚶

蛙

一名蝦蟆又蟾蜍祁州出蟾酥元志宋村有蟾

池

青雞

俗呼田雞

蟲屬

蠶

史記貨殖傳燕代田畜而事蠶

蝻

爾雅翼北方地燥多在土中故多土蜜方言燕
趙之間謂之蠓蝻其小者謂之蠓蝻舊志有土

蜂蜜蜂馬蜂各名

蝶

蟬

帝京景物畧土人呼為唧蟬三伏鳴者聲躁以急曰伏天入秋而涼鳴則凄短曰秋涼

蜻蜓

帝京景物畧大而青者曰老青紅而黃者曰黃兒赤者曰紅兒好擊水而飛

絡緯

帝京景物畧便腹青色以股躍以短翼鳴其聲

聒聒以其聲名之曰聒聒兒

莎雞

草木蟲魚疏如蝗斑色毛翅數重下翅正赤幽州人謂之蒲錯

蟋蟀

草木蟲魚疏似蝗而小正黑光澤如漆幽州謂之趣織 帝京景物畧別種三肥大色澤如油

曰油葫蘆首大者曰椰子頭銳喙者曰老米嘴

螻蛄

舊志即寒螿

蟲螽

舊志俗呼螞蚱

寵龜

爾雅疏自關而東趙魏之郊謂之寵龜或謂之
蠹蚩方言北燕謂之蠹蚩又一種扁薄作幕貼
壁間北人呼為壁繭又蠹蚩長脚此蟲著人衣
則有喜幽州謂之親客

蛾

蚓

蝙蝠

正字通北燕呼為蠹蚩

蝸

蜥蜴

潛確類書守宮也北燕謂之祝蜥

螢

螽斯

詩註蝗屬

螳

扈從日錄螞蟻墳在海子東南清明日蟻數萬
聚此

螳螂

爾雅疏燕趙之際謂之食庖其子名螻蝻舊志俗呼刀郎

蠹

草木蟲魚疏蠹幽州謂之蠹癩比之常蠹極小其毒甚酷

蟬

卽蠹魚

螟蛉

竈馬

蟻

水牛

帝京景物畧金光綠色甲堅而鬚勁以動曰金牛兒黑色白點曰春牛兒

斑蝥

牛蠊

虵

爾雅翼幽都之山黑水出焉其上有黑鳥黑蛇

耳譚西山潭柘寺殿中二虵長五尺餘名大青

小青燕山叢錄薊中不產虵獨百花山有七寸

蝮至毒盤山志有五百善蝮潛天城寺塔下嘗
來僧座下聽法又布雲虎蝮屬俗呼四脚蝮

蝮

蜈蚣

毛詩名物解廣雅曰螂蛆蜈蚣性能制蛇北燕
謂之蛆蝶大者謂之商距一名馬陸

蠅虎

蝟

蟲

夢溪筆談信安滄景之間多蚊蟲夏月牛羊皆

以泥塗之不一爾多為蚤蟲所毒則狂逸不可制

螻蛄

爾雅翼今人謂之土狗北方謂之地螻

蟻

卽蚰蜒方言趙魏謂之蚨蚨北燕謂之蚨蚨

蠅

蚊

蚩蚩

畿輔通志卷之五十一

通志

通志

通志

